

2.12. DFT se može brzo sračunavati i algoritmom 'Decimation in time' (razbijanje po vremenu) kada se za $N=2^n$ niz $x(n)$ razbija na parne odbirke $x(0), x(2), \dots, x(N-2)$ i na neparne odbirke $x(1), x(3), \dots, x(N-1)$ pa se potom računaju zasebno diskretne transformacije ovakvih nizova. Nacrtati potpunu šemu algoritma za razbijanje po vremenu za $N=8$.

Rješenje:

Preuredimo DFT na dvije parcijalne ulazne sekvence, na parne i neparne odbirke.

$$X(k) = \sum_{n=0}^{N-1} x(n)W_N^{nk} = \sum_{n=2i} x(n)W_N^{nk} + \sum_{n=2i+1} x(n)W_N^{nk}$$

Kako je: $W_N^2 = W_{N/2}$; $W_N^{2ik} = W_{N/2}^{ik}$ $W_N^{2ik} = W_{N/2}^{ik}$ i $W_N^{(2i+1)k} = W_{N/2}^{ik} W_N^k$ i poslije smijena: $x_{10}(i) = x(2i)$ i $x_{11}(i) = x(2i+1)$ dobijamo:

$$X(k) = \sum_{i=0}^{N/2-1} x_{10}(i)W_{N/2}^{ki} + W_N^k \sum_{i=0}^{N/2-1} x_{11}(i)W_{N/2}^{ki}, \quad k = 0, 1, 2, \dots, N/2 - 1$$

U posljednjem izrazu imamo dvije sume koje predstavljaju DFT sekvenci $x_{10}(n)$ i $x_{11}(n)$.

$$X(k) = X_{10}(k) + W_N^k X_{11}(k), \quad k = 0, 1, 2, \dots, N/2 - 1$$


Odbirke $X(k)$ za $k \geq N/2$ dobijamo kao:

$$X(k + N/2) = X_{10}(k + N/2) + W_N^{k+N/2} X_{11}(k + N/2), \quad k = N/2, \dots, N-1$$


Uzimajući u obzir periodičnost DFT $X_{10}(k)$ i $X_{11}(k)$ sa periodom $N/2$ dobijamo:

$$X(k) = X_{10}(k) - W_N^k X_{11}(k), \quad k = 0, 1, 2, \dots, N/2 - 1$$


Na slici je prikazano razbijanje u vremenu DFT za $N=8$ na dvije DFT od po $N/2=4$ odbirka.




Koristeći se slijedećim pravilom:



možemo izvršiti preuređivanje slike kao:



Potpuna šema razbijanja u vremenu za DFT sa $N=8$ data je na slici.



Uočimo da je složenost računanja DFT u ovom slučaju ista kao kod razbijanja po frekvenciji. Ključna razlika u ova dva algoritma leži u obliku ulazni i izlazne sekvence. Kod razbijanja po frekvenciji ulazni signal se uzima u prirodnom rasporedu dok se FFT dobija u obliku koji zahtjeva dalju obradu. Ovdje je obrnut slučaj.